

Broj: 06-03-372-15/12/12
Mostar, 11.07.2012. godine

Na osnovu člana 14., člana 29. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05, 83/11), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stav (2), člana 37. stav (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 26. stav (1) člana 75. i člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12) i člana 17. Pravilnika za izdavanje dozvola – licenci („Službene novine Federacije BiH“ broj 29/05), postupajući po Zahtjevu za izdavanje prethodne dozvole za izgradnju proizvodnog objekta mHE „Luke“ broj 06-03-372/12/12 od 26.03.2012. godine podnosioca „COMPANY PEEB“ d.o.o. Travnik, Regulatorna komisija za električnu energiju u Federaciji Bosne i Hercegovine – FERK je dana 11.07.2012. godine na XI redovnoj sjednici donijela sljedeće

R J E Š E N J E

1. Izdaje se Prethodna dozvola za izgradnju proizvodnog objekta mHE „Luke“ podnosioca zahtjeva „COMPANY PEEB“ d.o.o. Travnik.
2. Prethodna dozvola za izgradnju se izdaje na period od 11.07.2012. godine do 10.07.2013. godine, sa uslovima Prethodne dozvole koji čine njen sastavni dio.
3. Sastavni dio ovog rješenja čini Prethodna dozvola iz tačke 1. i 2. ovog rješenja.
4. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je dana 26.03.2012. godine, FERK je primio od „COMPANY PEEB“ d.o.o. Travnik, Zahtjev za izdavanje prethodne dozvole za izgradnju proizvodnog objekta mHE „Luke“ broj 06-03-372/12/12.

Prilikom pregleda kompletnosti podnesenog zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni zahtjev nije kompletan u smislu člana 36. stav (2) i stav (3) Pravilnika za izdavanje dozvola - licenci. Zbog navedenog, FERK je postupajući u skladu sa članom 40. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) dostavio podnosiocu zahtjeva Obavještenje o nedostacima podnesenog Zahtjeva za izdavanje prethodne dozvole za izgradnju proizvodnog objekta broj 06-03-372-01/12/12 od 13.04.2012. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja.

Regulatorna komisija za električnu energiju u Federaciji Bosne i Hercegovine – FERK
Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

Id.br.: 4227378050005 ; Porezni br.: 17004752 ; Transakcijski račun: 1610200031700086 kod Raiffeisen banke

Postupajući po Obavještenju, podnosilac zahtjeva je dostavio 07.05.2012. godine Dopis primljen u FERK pod brojem 06-03-372-02/12/12, uz koji je dostavio traženu dokumentaciju, kao i obrazloženje vezano za istu.

Postupajući u skladu s članom 11. Pravilnika za izdavanje dozvola-licenci, FERK je dana 11.05.2012. godine u „Oslobođenju“ i „Dnevnom listu“, kao i na svojoj web stranici objavio Obavještenje za javnost o podnesenom Zahtjevu za izdavanje prethodne dozvole za izgradnju proizvodnog objekta mHE „Luke“ podnosioca zahtjeva “COMPANY PEEB“ d.o.o. Travnik. Na osnovu naprijed navedenog Obavještenja za javnost, FERK do roka naznačenog u Obavještenju odnosno do 18.05.2012. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 77. stav (2) spomenutog Pravilnika o javnim raspravama i rješavanju zahtjeva i žalbi FERK-a, obavijestio podnosioca zahtjeva o svojoj namjeri provođenja postupka izdavanja prethodne dozvole bez održavanja formalne rasprave, putem Obavještenja broj 06-03-372-04/12/12 od 22.05.2012. godine, kojom je istom data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, podnosilac zahtjeva je u FERK 25.05.2012. godine dostavio dopis primljen u FERK pod brojem 06-03-372-05/12/12 u kome je naveo da je saglasan da se postupak izdavanja dozvole provede po skraćenom postupku, te nije iznio nove činjenice u vezi sa predmetom postupka, i nije uputio druge komentare FERK-u

Na osnovu provedenog postupka, tokom kojeg je izvršena pažljiva analiza svih činjenica i podnesenih dokaza na podlozi kojih se moglo utvrditi stanje stvari, FERK je u skladu sa članom 16. stav (1) Pravilnika za izdavanje dozvola – licenci pripremio Nacrt prethodne dozvole za izgradnju proizvodnog objekta mHE „Luke“ po Zahtjevu broj 06-03-372/12/12 od 26.03.2012. godine, podnosilac “COMPANY PEEB“ d.o.o. Travnik. Na osnovu člana 79. stav (2) Zakona o električnoj energiji, FERK je Odlukom broj 06-03-372-06/12/12 od 30.05.2012. godine godine usvojio Nacrt prethodne dozvole za izgradnju proizvodnog objekta mHE „Luke“, dok je Odlukom FERK-a broj 06-03-372-07/12/12 od 30.05.2012. godine ovaj nacrt upućen u proces javne rasprave, te je određeno mjesto i vrijeme održavanja opšte rasprave o predmetnom Nacrtu prethodne dozvole za izgradnju proizvodnog objekta, imenovan voditelj postupka, kao i da zainteresovana lica svoje usmene komentare na Nacrt prethodne dozvole za izgradnju proizvodnog objekta mogu dati na opštoj raspravi koja je održana 04.06.2012. godine u 11:00 sati, u zgradi Opštine Fojnica, a pisane komentare dostaviti na adresu FERK-a, kao i putem elektronske adrese do 08.06.2012. godine do 12:00 sati.

Opštoj raspravi o Nacrtu prethodne dozvole za izgradnju proizvodnog objekta mHE „Luke“, prisustvovali su predstavnici podnosioca zahtjeva, projektanti, predstavnici JP Elektroprivreda BiH d.d. Sarajevo i veliki broj predstavnika mjesnih zajednica Gojevići i Dusina.

Podnosilac zahtjeva je istakao da je upoznat sa Nacrtom dozvole i da može ispuniti uslove iz dozvole.

Niko od učesnika nije imao konkretne primjedbe ili komentare na Nacrt prethodne dozvole za izgradnju proizvodnog objekta mHE „Luke“, ali se osporavala gradnja i to paušalno iznesenim komentarima da se do okolinske dozvole pa i svih kasnijih dozvola i saglasnosti došlo na nelegalan način.

Do ostavljenog roka za dostavu pisanih komentara, odnosno do 08.06.2012. do 12:00 u FERK nisu primljeni pisani komentari na Nacrt prethodne dozvole za izgradnju proizvodnog objekta mHE „Luke“, ali je 12.06.2012. pod brojem 06-03-372-08/12/12 u FERK primljen dopis advokata Brune Božića punomoćnika Branka Stanića i drugih, MZ Gojevići Fojnica i MZ Bakovići Fojnica, u kojem se traži da FERK obustavi postupak izdavanja predmetne prethodne dozvole za izgradnju .

Obzirom da su u toku javne rasprave izrečene tvrdnje da se do okolinske dozvole došlo na sporan način i da se dovodila u pitanje pravosnažnost iste, kao i obzirom na navode iz dopisa advokata Brune Božića, FERK je 15.06.2012. godine pod brojem 06-03-372-09/12/12 uputio Federalnom ministarstvu okoline i turizma Sarajevo Zahtjev za informacijama u kojem je zatraženo od istog da u FERK dostavi informacije vezane za izdavanje okolinske dozvole za izgradnju male hidroelektrane „Luke“.

Istoga dana pod brojem 06-03-372-10/12/12 FERK je uputio Federalnom ministarstvu prostornog uređenja Zahtjev za informacijama u kojem je od istog zatraženo da u FERK dostavi informacije vezane za tvrdnje izrečene na javnoj raspravi, te navode iz dopisa advokata Brune Božića, a koji se odnose na izdavanje građevinske dozvole za izgradnju male hidroelektrane „Luke“.

Dana 02.07.2012. godine pod brojem 06-03-372-12/12/12 u FERK je primljen dopis Federalnog ministarstva okoline i turizma u kojem je navedeno kako je dana 03.11.2011. godine isto Ministarstvo primilo zahtjev za produženje okolinske dozvole broj: UPI/01-394-1/06 za male hidroelektrane „Luke“ na rijeci Željeznici, opština Fojnica, te kako smatra je postupak izdavanja okolinske dozvole za malu hidroelektranu „Luke“ na rijeci Željeznici proveden u skladu s Zakonom o zaštiti okoline („Službene novine Federacije BiH“ broj 33/03 i 38/09), te uvažavajući Zakon o prostornom planiranju i korištenju zemljišta na nivou Federacije BiH („Službene novine Federacije BiH“ 52/02).

Uz isti dopis priložena je sva dokumentacija korištena u postupku izdavanja rješenja kojim se izdaje okolinska dozvola. Između ostalog, priloženo je i Rješenje kojim se izdaje okolinska dozvola za „Company peeb“ d.o.o iz Travnika za malu hidroelektranu „Luke“ broj UP I 05/2-23-5-214/11 SS od 05.03.2012. godine, sa klauzulom pravosnažnosti na dan 06.04.2012. godine, te dopis Kantonalnog suda u Sarajevu u kojem je navedeno kako protiv istog Rješenja nije pokrenut upravni spor, zaključno sa danom 17.04.2012. godine.

Odgovor Federalnog ministarstva prostornog uređenja po FERK-ovom zahtjevu za informacijama broj 06-03-372-10/12/12 od 15.06.2012. godine nije zaprimljen.

-U skladu sa članom 16. Pravilnika o javnim raspravama i rješavanju zahtjeva i žalbi FERK-a, a na osnovu održane opšte rasprave, voditelj postupka pripremio je pisani izvještaj uz sažetak komentara na raspravi i dao preporuku za donošenje odluke, te je iste uputio podnosiocu zahtjeva na komentare 10.07.2012. godine pod brojem 06-03-372-13/12/12.

Podnosilac zahtjeva je na osnovu navedenog FERK-u dostavio 10.07.2012. godine Dopis primljen u FERK pod brojem 06-03-372-14/12/12, u kojem je naveo da nema

primjedbi na Izvještaj voditelja opšte rasprave na Nacrt prethodne dozvole za izgradnju proizvodnog objekta mHE „LUKE“ na vodotoku rijeke Željeznica u opštini Fojnica nema nikakvih novih činjenica bitnih za izdavanje prethodne dozvole i da se slaže sa predloženim tekstom Nacrta prethodne dozvole za izgradnju proizvodnog objekta.

Izvještaj voditelja postupka sa komentarima podnosioca zahtjeva dostavljen je na razmatranje FERK-u dana 14.06.2012. godine pod brojem 06-03-372-13/12/12, a prije njegovog konačnog odlučivanja na redovnoj sjednici.

Na osnovu obrade Zahtjeva za izdavanje prethodne dozvole za izgradnju proizvodnog objekta mHE „Luke“ podnosilac „COMPANY PEEB“ d.o.o. Travnik i - dokumentacije priložene uz zahtjev, te analize postupka opšte rasprave, kao i komentara javnosti datih u postupku opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u Prethodnoj dozvoli koja je predmet ovog rješenja podnosilac zahtjeva postavljeni su, u skladu sa članom 38. Pravilnika za izdavanje dozvola – licenci, određeni uslovi. Spomenuti uslovi uvažavaju potrebu, ali i obavezu „COMPANY PEEB“ d.o.o. Travnik, da u rokovima propisanim u uslovima Prethodne dozvole za izgradnju proizvodnog objekta mHE „Luke“ iste ispuni, u cilju zadovoljenja opštih i posebnih kriterija propisanih Zakonom o električnoj energiji i bliže propisanih članom 37. Pravilnika za izdavanje dozvola-licenci FERK-a.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Đulizara Hadžimustafić s.r.